

NOVEMBA 2014

Bulletin

Incwadi ethunyelwa amalungu e-Bhunga le Overstrand esesikweni

Ihlobo liza nelanga nesafaya kodwa likwaza neengozi zemimoya ebhudla ngamandla nemililo



Ugqibele nini ukwenza 'uphicotho' lomlilo kwisakhiwo sakho? Kulisiko ukuba ixesha lasehlobo laseNtshona Koloni libe lixesha lomlilo, nanjengoko uhlaza olusegadini yakho luyenza ukuba ibukeke intle ngexesha lasebusika ngawukhe uluqwalasele ngoku olu hlaza ukuba alubeki isakhiwo sakho nabamelwane bakho kumngcipheko na ngeli lixa lehlobo.

Abo balimayo nabazincutshe emlilweni bale ndawo yethu bathi ukuqala ngoNovemba kufanele uqinisekise ukuba konke okungamasebe omileyo ingakumbi lawo aphantsi kohlaza nalawo akhula ngokudlulisileyo ne-

mithana kufanele achetywe ukuze kubekho isithuba esingange-5 semitha phakathi kwesakhiwo nohlaza. Kwizakhiwo ezikhulu ezinalo olu hlaza lo mgama kufanele ungabi ngaphantsi kwe-10 lemitha.

Ingca eluhlaza entle esuka kwisakhiwo ukuya kuma kumda wesakhiwo nayo ingadala oku kufanayo.

Ingakumbi kwizakhiwo ezikwiindawo ezinentaba kwaye/okanye kwindawo ezimi kwiminda yendawo zohlaza, kwindawo ekhula uhlaza olunabileyo ezifana nePort Jacksons, iMyrtle, iRooikrans neBlue Gums ezi ndawo mazigityulwe baze abaneziza abangekazakhi bazinonophele iziza zabo ukuqinisekisa ukuba uhlaza olukwiziza zabo aludali imililo yequbuliso echaphazela abamelwane.

Siyathemba ukuba anifuni ukukhunjuzwa ukuba kungaqhuma kubasiwe - nokuba mhlambi kojiwa inyama. Ngako oko ke qinisekisa ukuba imililo yokoja inyama yenzelwa kwizinto okanye iindawo zokoja inyama kwaye iyacinywa ngokugqibeleleyo emva kokonwabela inyama yakho emnandi. Kwaye khumbula ukuba amalahlwe asavuthayo awalahlwa emgqomeni!

Ngamafutshane, yenza oko kulungileyo ukuze wena nommelwane wakho nibe neeholide ezimiyoli nezingenaziphazamiso.

Ukuba ufuna ukuchazela abenkonzo zikaxakeka okanye ukubazisa ngomlilo okanye ucela iingcebiso ngendlela onokukhusela ngayo isakhiwo sakho emlilweni, qhagamshelana neeNkonzo zoMlilo, uHlangulo noLawulo lweeNtlekele zaseOverstrand kule nombolo 028 313 8980.

USODOLOPHU UHLENGA-HLENGISA IKOMITI YAKHE YOLAWULO

Emva kwesithwakumbe sakakutsha nje sokusweleka koCeba uMzameni Mshenxiswa nokushiya ezikhundleni ebekungalindelekanga kooceba ababini - uPieter Scholtz noBen Solomon - uSodolophu uNicolette Botha-Guthrie wazise ukuba ukususela ngomhla woku-1 Oktobha 2014 uza kuhlenga-hlengisa iKomiti eLawulayo yakhe ngolu hlobo:

Ikomiti enika iingcebiso kwimicimbi yeziseko ezingundoqo nochwangciso iya kuhlalelwa nguCeba R Smith, ebetyunjelwe ukuba nguSekela Sodolophu. UM Opperman uyakuba ngusihlalo wekomiti enika iingcebiso kwiinkonzo zoluntu, uCeba P Appelgrein abe kwikomiti yeengcebiso kwiinkonzo zolawuloo nokhuselo aze uCeba D Coetzee abe kwikomiti yeengcebiso yezimali nophuhliso loqoqosho lwezasekhaya.

Ulonnyulo lovalo-sikhewu lakwenziwa ngoLwesithathu umhla wama-26 Novemba ukuze konyulwe ooceba abatsha ngenjongo yokuhlala ezithuba ezikhoyo kwiiWadi 2, 5 neye-7.

MASIDLALALE!

- Amaqela aphambili azimisele ukudlala

NgoMgqibelo umhla wo-1 November 2014, amaqela aphambili aseOverstrand ebhola ekhatywayo, umbhoxo, umnyazi neqakamba akube equbisene, kuninzi okwakonwatyelwa ngabaxhasi.

Ukususela ukusungulwa koMyhadala waseOverstrand wemiDlalo nguSodolophu, lo mnyhadala ukwazile ukumanya abathandi bezemidlalo bendawo zonke bemanyaniswa lifuthe lokuthanda imidlalo nokukhuthaza ukuthanda imidlalo kwabo basakhulayo nabadala.

Kwelinye icala loMasipala waseOverstrand, uya kusingatha neOverstrand Wheelchair Association imidlalo yabo baphila nokukhubazeka apho babonakalisa izakhono zabo zemidlalo efana nedatsi, iidomino, itshesi, ikerem nomlabalaba.

UMnyhadala uqala ngentsimbi ye-06:00 kwibala lemidlalo lase Mt Pleasant uphume phaya kweye-17:00. Nceda ufike kwangethuba uzokufumana indawo yakho yokuhlala!

ZIVE UKHULULEKILE FUTHI UKHUSELEKILE UKUBA UNGAWASELA AMANZI APHUMA EZIMPOMPENI!

Kuphicotho lokugqibela lweBlue Drop, ezintlanu kwezisibhozo iinkqubo sococo lwamanzi zaseOverstrand zifumene amangaku angaphezulu kwama-95% zaza ezintathu eziseleyo zafumana ngaphezulu kwama-91.5%. Oku kuthetha ukuba umasipala angatsho eqinisekile ukuba amanzi awasa ebantwini acocokile futhi akumgangatho onguwo nowemigangatho ye- SANS 0241 Code eyenzelwe amanzi aselwayo. Lo mgangatho omiselweyo kwi South African Bureau of Standards ungoyena ophezulu kwimigangatho yoMbutho wezeMpilo yeHlabathi (WHO).

Kwiindawo zoMasipala waseOverstrand, kuthathwe amanzi amancinci aqokelelwa nyanga zonke kwindawo ezingama-56 oko kusenzelwa ukuhlolwa kweentsholongwane kwindawo nganye. Koku ke kuqinisekisiwe ukuba amanzi aselwayo apha acocokile ahlolwe ngeepesenti ezingama-100 ukuqinisekisa ukuba intsholongwane ayikho kwaye amanzi ahambelana nemigangatho yamanzi ngokweminyaka edlulileyo.

Iinkqubo ezintlanu zokucocwa kwamanzi ezifumene amangaku angama-95% kuphicotho lokugqibela lwamanzi olwenze ukuba zifumane iwonga leBlue Drop. Eli wonga umasipala ulifumene kwiSebe leSizwe laManzi neeNkqubo zeLindle kwiinkqubo zococo lwamanzi ezikumgangatho ofanelekileyo kuquka ulawulo lomngcipheko, iinkqubo zolawulo lokucocwa kwamanzi umgangatho wococoko lwamanzi aselwayo, imiqathango nolawulo kwezixhobo eziziseko zokuqala.

IZIDUBULI-NTLANTS



Minyaka le abahlali neendwendwe bayathanda ukwamkela unyaka omtsha ngeendidi ezithile zezidubuli-ntlantsi. Ngumboniso othandwa nguye wonke ubani ingakumbi xa abo bawenzayo benamava okwenza njalo bekwazi nokugcina imiqathango nemimiselo yezidubuli-ntlantsi bekwenza oko ngokukhuselekileyo nangokucingela abanye abantu.

Ngenxa yokucingela abantu nezilwanyana, izidubuli-ntlantsi zingadutyulwa kuphela phakathi kwezi yure, ngeye-23:00 ukuya kweye-01:00 ngosuku olwandulela unyaka omtsha kwezi ndawo zilandelayo: eGrotto Beach, empuma kufuphi nechweba, kulwandle lwase-Hawston (hayi kwindawo eyinkampi okanye indawo yokupaka iimoto okanye izibuko),

ulwandle iUilenskraalmond, ulwandle lwaseStanford Bay (De Kelders) nolwandle olukhulu lwaseKleinmond. Nceda ukhumbule ukuba zonke izidubuli-ntlantsi ezizirokethi nezizi-airborne mazidutyulwe phezu kolwandle ukunciphisa ingozi yokuba zehlele phezu kohlaza okanye ezintabeni zenze umonakalo.

Imiboniso wezidubuli-ntlantsi oququzelelweyo ingenziwa kuphela kwiindawo ezibekelwe bucala ukwenza oko kwaye ingenziwa kuphela ngokwemvume yeGosa eliyiNtloko kuLawulo lwemililo.

Ukukhulula izidubuli-ntlantsi nokuba kukweyiphi na indawo (kuquka kwiyadi yakho) nalo nangaliphi na ixesha kungaba nesigwebo esiqatha kakhulu futhi kungade kukhokelele ekubeni uqale unyaka ka-2015 eziseleni. Ungaqiniseka ukuba iarente zabagcini mthetho zakulandela umthetho kwabo bawophulayo ngokudubula izidubuli-ntlantsi ngaphandle kwezo ndawo zikhankanyiweyo.

Qaphela futhi ukuba ukusebenzisa izixhobo ezikhupha umlilo ezifana neelanteni zamaTshayina nemililo kaxakeka ayivumelekile ngokomthetho. Ngoko ke bantu niyacelwa ukuba bacingele abanye abantu kwaye bangakhe balinge ukucinga ngokusebenzisa ezi zinto kuba bengazi ukuba kungadaleka ntoni bakuba benze njalo, ngoba umlilo ungaphela uyingozi kwabanye abantu. Khumbula ukuba uyakuba noxanduva lokuhlalulela nawuphi na umonakalo odalekileyo ngenxa yokungathobeli umthetho.

Okokugqibela, cingela abanye abantu: Ukuba sigcina oko kumiselweyo loo nto ingenza kungabikho ukungaboni ngasonye nabamelwane noxinzelelo oludlwayo kwizilwanyana ngenxa yoku kungacutheka.

Nakuphi na ofuna ukukwazi malunga nokudutyulwa kwezidubuli-ntlantsi kunye/ okanye nayiphi na imibuzo ngazo ungatsalela iGosa eliLawulo iMlilo kule nombolo 028 313 8980 oko ukwenza ngexesha lomsebenzi.

I-KARWYDESKRAAL IZA KUQALA UKUSEBENZA KUNYAKA OZAYO

Ngexesha likaDisemba 2011 apho indawo yokulahlala inkunkuma iKarwyderskraal kwakunyanzelekile ukuba ivalwe okwethutyana ngenxa yokungabikho kwendawo, ukwenziwa kocwangciso lokulahlala kwenkunkuma yaseKleinmond naseHermanus lwaba lolufanele lwenziwe ngokuqophileyo. Ngethamsanqa iOverstrand yayisele inayo indawo esemthethweni nenesiqinisekiso yokulahlala inkunkuma eseGansbaai kwaye inkunkuma yavele yafuduselwa kuyo.

Nangona kunjalo, olu cwangciso lwahambelana

neendleko zokunyuka kwezinto kuba ukuthutha inkunkuma kwaba zindleko ngenxa yobude bendawo ekulahlwa kuyo kwaye nokwakhiwa kwamagumbi okulahlala inkunkuma awongezelelweyo ngenxa yokwanda komthamo wenkunkuma. Ngaphezulu koko abaqhubi zimoto baba nengxaki yokulityaziswa zizigadla zenkunkuma endloleni eziya kulahlala inkunkuma kulo ndlela imxinwa ephakathi kweHermanus neGansbaai oko kusenza ingxinano engumangalisayo kwaye kubeka nabaqhubi phantsi koxinzelelo.

Iindaba ezimnandi zezokuba uMasipala wase-Overstrand noMasipala weSithili saseOverstrand bangene kwisivumelwano sokurenta apho iOverstrand iza kwakha ilawule indawo entsha yokulahlala inkunkuma eseKarwyderskraal zonke iindleko zakuhlalulwa ngabo. Iinkqubo zethenda sele ziqatyeleliwe nekontrakti sele iqeshiwe. Kuqikelelwa ukuba le ndawo yokulahlala inkunkuma iya kube isebenza ngokugqibeleleyo ngoEpreli 2015 kwaye ke inkunkuma yaseHermanus naseGansbaai iya kubuya ilahlwe apho.

YILWA NOKUNYUKA KWAMAXABISO: GUQUKELA KUMBANE OWUHLAWULA PHAMBI KOKUBA UWUSEBENZISE

Kubantu abaninzi ukuhlawulwa kwamatyala kamasipala kusoloko kusothusa, ukubona ukuba yimalini na ikhaya okanye ishishini eliyichithileyo embaneni ngenyanga kuphela. Nangona kunjalo kukho indlela elula nebiza ixabiso eliphantsi enokwenza ukuba wahlukane nokusebenzisa umbane kakhulu le ndlela ingathi ekuhambeni kwethuba ikucuthele kwiintlawulo zakho.

Kwabo baqalayo, ukutshintsha kwakho ukusuka ekuhlawuleni ityala lombane owusebenzisileyo ukuya kwinkqubo yokuqala uhlawule umbane phambi kokuba uwusebenzise oku kuthetha ukuba ungalondoloza umbane kwiyunithi nganye oyisebenzisileyo, utsho ukwazi ukulawula umyinge wombane ekufanele uwusebenzisele ekhayeni okanye kwishishini.

Ixabiso lokuguqula umbane lixabiso ama-R968 kwaye idiposithi ingama-R424. Futhi khumbula ukuba idiposithi yakho ingakusebenzela ukuba uguqulela kumbane ohlawulelwa phambi kokuba uwusebenzise kodwa khumbula ukuba oku akunakho ukutshintshwa ngumntu wabucala osebenza ngombane ukuba kufakelelwe imitha yombane yohlobo lwePLC. Olu hlobo lwesixhobo sombane lungaplagwa kwiplagi ekufuphi eseludongeni. Kodwa ke ukuba ufuna ukusebenzisa iyunithi yodonga yesiqhelo, iinkonzo zomntu osebenza ngombane wabucala ungazifunela oko ke kwakuba nentlawulo ethe chatha.

YENZA "NGESISA" UNIKE ABASWELEYO OKUNCINCI ONAKO

Kulo nyaka maninzi amaphulo enziwayo kulo lonke ele-Overstrand ukuvuyisa abo basweleyo. Abanye bethu bangathanda ukuphosa esivivaneni kodwa abazi ukuba ngobani abantu abangaqhagamshelana nabo okanye banganikezela phi ngezo zinto bafuna ukunikezela ngazo. Nazi ezinye iindlela ubani angazilandela:

- **I-Santa Shoebox Project** - eli liphulo elikhuthazayo loluntu lweKidz2Kidz Trust elinikezela ngeziphoo ezibhalwe abo ziya kubo ngexesha leKrismesi lisenzelwa abo bantwana bangathathi ntweni elizweni jikelele. Gcwalisa ibhokisi yakho ngezinto onokuzisebenzisa ezifana nentlama yamazinyo nebrashi yokuxukuxa, ilaphu lokuhlamba nesephu, kwakunye neelekeke, izixhobo zokufunda, into yokudlala nempahla yokunxiba. Ngenkukacha ezithe vetshe nceda qhagamshelana noWendie Cleary kule nombolo 0283162257, kodwa kwakufanela ukuba uxhashe ukungenisa ibhokisi yakho eHermanus okanye eGansbaai ngoba ukungeniswa kwazo kuyaphelelwa ngeye-18:00 intsimbini ngoMgqibelo, umhla wo-1 Novemba.

- **I-Bags of Love** - ngeli liphulo abo basweleyo baseOverstrand bafumana ibhegi egcweleyo zizimuncumuncu zeKrismesi. Njengenxalenye yeli phulo ibhegi igcwaliswa kukutya okuqhelekileyo ukususela kwizinto zokutya eziphambili kuluhlu lokuthenga ukutya zize zinikwe ezo ntsapho zisweleyo kanye phambi kweKrismesi. Oko kutya kungathengwa kwiivenkile ezithile zaseHermanus ngexabiso elili-R130, **ngemibuzo ethe vetshe ungaqhagamshelana noDes Collins kwezi nombolo 082 824 1058 okanye**



Umdlali-piyano ulindele ukonwabela ngokumangalisayo



NgeCawe, umhla we-16 Novemba ubuGcisa baseOverstrand Arts/Kunste bakube bunekonsathi yokuhlazeka umdlali wepiyano waseRussia u**Andreï Pisarev**. Uphumelele iimbasa ezininzi zehlabathi kuquka ukhuphiswano i-UNISA-Transnet international piano lo mdlali ophuma phambili ufundisa eMoscow Conservatory uza kube edlala iingoma zikaMozart ezithi Fantasia Rondo, Beethoven's Sonata in C Minor, Schumann's Noveletta nee-scherzos ezine kwakunye ne-Nocturno in E Minor edlalwa yi-Chopin. Ikonsathi iqala nge-15h30. **Xa ufuna ukubhukisha amatikiti qhagamshelana noBELLINI kule nombolo 028 312 4988. Amatikiti axabiswa i-R120 (iR60 kubafundi).**

Ngemibuzo ethe vetshe ungathumela kunobhala weOAK, uRené du Plooy, kule nombolo 082 940 4238.



uAndreï Pisarev